

Bosna i Hercegovina
Federacija Bosne i Hercegovine
Srednjobosanski kanton
OPĆINA GORNJI VAKUF – USKOPLJE
OPĆINSKO VIJEĆE

Broj: 01-05- /17
Datum, 05.06.2017.godine

ZAPISNIK

sa 5. sjednice V saziva Općinskog vijeća općine Gornji Vakuf – Uskoplje, održane 18. maja 2017. godine u Velikoj sali općine Gornji Vakuf - Uskoplje, sa početkom u 10⁰⁰ sati.

Sjednici su prisustvovali izabrani vijećnici Općinskog vijeća, Općinski načelnik Čaušević Sead, Sekretar općine Prijčić Senad, Pomoćnici načelnika – Milić Nikola, Sofić Osman, Šain Branko, Šišić Suad, Matijanić Branko, ovlašteni predstavnik Hrvatske liste Matišić Dražen, predsjednik OO SDP Gekić Edin, stručni saradnik za budžet Ljubunčić Omer, Općinsko javno Pravobranilaštvo Bugojno Abdalajbegović Amela, Biro za zapošljavanje Filipović Amir, direktor JKP „VIK“ Blažević Igor, direktor JKP „Radovina“ Šehić Nahid, predsjednik stručne komisije za izradu Plana korištenja javnih površina Fale Husein.

Sekretar općine Prijčić Senad, je izvršio prozivku prisutnih vijećnika, tako da su sjednici prisustvovala 22 vijećnika i to: Idrizović Dževad, Ramić Adnan, Manjgo Ramiz, Brzika Amra, Petrović Haris, Čaušević Merhila, Gafić Maid, Demirović-Spahić Alena, Pidro Muris (izašao ranije sa sjednice u 12⁴⁰), Hadžiahmetović Dijamin - ŠDA, Herceg Josip, Novaković Ana, Batinić Goran, Jurina Danijela, Krajina Marinko, Posavac Ivo, Žuljević Ivica, Elez Berislav – vijećnici Hrvatske liste HDZ BiH, HDZ 1990, HSP BiH i HSS Stjepan Radić, Karamustafić Naser, Kičin Kadir – SDP, Puljarga Sabahudin-SBB, Dedić Šeharzada - DF

Odsutan je bio vijećnik Novaković Marin-HL

Sjednicu je otvorio predsjednik Općinskog vijeća Gornji Vakuf – Uskoplje Batinić Goran, koji je pozdravio prisutne vijećnike i predložio je na usvajanje sljedeći

DNEVNI RED:

1. Vijećnička pitanja
2. Usvajanje Zapisnika sa 4. sjednice Općinskog vijeća Gornji Vakuf-Uskoplje
3. Izvještaj o radu Općinskog javnog pravobranilaštva Bugojno za 2016.godine
4. Informacija o radu Ispostave Zavoda za zapošljavanje Gornji Vakuf-Uskoplje za 2016.godinu
5. Izvještaj o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu
6. Izvještaj o radu JKP «Radovina»d.o.o. Gornji Vakuf-Uskoplje za 2016.godinu i Plan rada za 2017.godinu
7. Izvještaj o izvršenju budžeta Općine Gornji Vakuf-Uskoplje za razdoblje od 01.01. do 31.03.2017.godine
8. Prijedlog Plana korištenja javnih površina na području Općine Gornji Vakuf-Uskoplje – hitni postupak
9. Prijedlog akata Imovinsko pravne službe;
 - a) Prijedlog Odluke o prodaji nekretnina označenih kao k.č. 1493/23 i k.č. 1493/24, K.O.-S.P Gornji Vakuf
 - b) Prijedlog Odluke o utvrđivanju javnog interesa za potpunu eksproprijaciju dijela nekretnina označenih kao k.č. 1792/1 i 1792/2, K.O.-S.P. Gornji Vakuf

Diskusije:

Batinić G.-predsjednik OV-a

- Prije samog izjašnjavanja o dnevnom redu današnje sjednice, pošto imamo tačku koja je predložena da ide po hitnom postupku, želim kazati da u članu 124. Poslovnika o radu Općinskog vijeća Gornji Vakuf-Uskoplje stoji;... *Da u prijedlogu za donošenje Odluke ili Općeg akta po hitnom postupku Vijeće odlučuje kao o prethodnom pitanju u toku rasprave o dnevnom redu.* Dakle nakon eventualnih prijedloga dopune dnevnog reda izjasnit ćemo se o tome da li prihvatamo prijedlog za donošenje akta po hitnom postupku a nakon toga ćemo glasati o cjelokupnom dnevnom redu.
- Otvaram raspravu po predloženom dnevnom redu

Karamustafić N.-ispred kluba SDP-a

- Ispred kluba SDP-a predlažemo 10. tačku dnevnog reda pod nazivom; *Zabrana kretanja motornim vozilima od 19 do 23 sata u vremenskom periodu od 01.07. do 01.09. 2017. godine u ulici „Gradska”, od fontane do Džamije Mehmed bega Stočanina*
- *Predlažemo 11. tačku dnevnog reda pod nazivom; Informacija o presudi Kantonalnog suda u Sarajevu, o izdavanju okolinske dozvole investitora Regionalni centar za upravljanje otpadom.*

Batinić G.-predsjednik OV-a

- Dajem pauzu od 10 minuta

(Pauza od 10⁰⁵ -10¹⁵)

Batinić G.-predsjednik OV-a

- Dajem na glasanje prijedlog Karamustafić N. za 10. tačku dnevnog reda; *Zabrana kretanja motornim vozilima od 19 do 23 sata u vremenskom periodu od 01.07. do 01.09. 2017. godine u ulici „Gradska”, od fontane do Džamije Mehmed bega Stočanina*

Prijedlog Karamustafić N. za 10. tačku dnevnog reda; Zabrana kretanja motornim vozilima od 19 do 23 sata u vremenskom periodu od 01.07. do 01.09. 2017. godine u ulici „Gradska”, od fontane do Džamije Mehmed bega Stočanina nije usvojen (3 „za”, 19 „suzdržano”, 0 „protiv”)

Batinić G.-predsjednik OV-a

- Dajem na glasanje prijedlog Karamustafić N. za 11. tačku dnevnog reda; *Informacija o presudi Kantonalnog suda u Sarajevu, o izdavanju okolinske dozvole investitora Regionalni centar za upravljanje otpadom.*

Prijedlog Karamustafić N. za 11. tačku dnevnog reda; Informacija o presudi Kantonalnog suda u Sarajevu, o izdavanju okolinske dozvole investitora Regionalni centar za upravljanje otpadom nije usvojen (3 „za”, 19 „suzdržano”, 0 „protiv”)

Fale H.-predsjednik stručne komisije

- Dao je kratko obrazloženje u vezi prijedloga Plana korištenja javnih površina na području Općine Gornji Vakuf-Uskoplje – hitni postupak

Batinić G.-predsjednik OV-a

- Dajem na glasanje da se prijedlog Plana korištenja javnih površina na području Općine Gornji Vakuf-Uskoplje unese u dnevni red po hitnom postupku

Prijedlog da se u dnevni red unese prijedlog Plana korištenja javnih površina na području Općine Gornji Vakuf-Uskoplje po hitnom postupku usvojen sa većinom glasova (19 «za», 3 „vijećnika se nisu izjasnila”)

Predloženi Dnevni red usvojen sa (19 «za», 3 „vijećnika se nisu izjasnila”)

Ad. 1.

Odgovori na Vijećnička pitanja

Šeherzada Dedić - DF

- Zadovoljna odgovorima

Marinko Krajina – HDZ BiH

- Zadovoljan odgovorom

Ivo Posavac - HDZ BiH

- Zadovoljan odgovorom

Muris Pidro - SDA

- Zadovoljan odgovorom

Naser Karamustafić – SDP

- Na moje pitanje; *Šta se misli i šta se planira uraditi sa gradskim parkom , da li će doći do pomjeranja granica parka i da li će doći do uništavanja drveća i biljnog svijeta*, dobio sam odgovor da će to utvrditi neka stručna osoba. Nisam zadovoljan odgovorom i postaviti ću novo pitanje u vezi ovoga.

Kadir Kičin – SDP BiH

- Nisam zadovoljan odgovorima koje sam dobio na postavljena pitanja;
- *Prema informacijama Fena-e, Ministarstvo poljoprivrede, vodoprivrede i šumarstva SBK planira izgradnju dvije nove mini Hidroelektrane na području općine Gornji Vakuf-Uskoplje. Interesuje me, koja je lokacija budućih mini Hidroelektrana? Tko su investitori? Kada počinju radovi na istim? Do sada nisam dobio odgovor na ovo pitanje.*
- *Molim vas da mi dostavite Bankovne izvještaje svih javnih ustanova Općine Gornji Vakuf-Uskoplje!*

U službenom glasniku općine Gornji Vakuf-Uskoplje izdat 27.02.2017.godine, u Odluci o restrukturiranju novčanih sredstava, stoji prijenos sa ek. koda 821 211 nabavka zgrada, iznos od 15.000,00 KM na ek. kod 821 621- investiciono održavanje zemljišta – industrijska zona.

Dok gospodin Načelnik u zapisniku kaže da na ek. kod 821 621 mogu samo pristići sredstva iz Kantonalnog Ministarstva privrede i Federalnog Ministarstva obrta i poduzetništva.

Kako je to moguće i zašto je došlo do ovog prijenosa?

- Želim da kažem da je napravljena povreda Poslovnika o radu općinskog vijeća, član 61., materijale za ovu sjednicu sam dobio tri dana prije održavanja sjednice (ponedjeljak)

Batinić G.-predsjednik OV-a

- Uvažavamo primjedbu, potruditi ćemo se da se takve stvari više ne dešavaju.

Sabahudin Puljarga - SBB

- Nisam zadovoljan odgovorom koji sam dobio u vezi ulične rasvjete za ulicu Srebreničkih žrtava kod ulaza u Elektrodistribuciju EP BiH i ulicu Mehmed bega Stočanina kod kafea ABC. U odgovoru se navodi da se planira rekonstrukcija kompletne ulične rasvjete-postavljanje „led svjetiljki“, kaže se da su u tim ulicama pokidane elektro instalacije. Ove svjetiljke godinama ne rade a svake godine se planiraju sredstva za održavanje javne rasvjete. Zar treba čekati još par godina da se popravi.

Berislav Elez - HSP BiH

- Općenito nisam zadovoljan odgovorima na vijećnička pitanja, kako odgovorima na svoja pitanja tako i odgovorima koje dobiju moje kolege vijećnici
- Svrha postavljanja vijećničkih pitanja je da se ukaže na određeni problem i da se on pokuša riješiti.
- Mene uvijek po postavljenom vijećničkom pitanju interesira da li je se pokušalo išta napraviti po pitanju problema koji se navodi u vijećničkom pitanju
- Mi dobijamo takve odgovore da se pravdaju određene nepravilnosti, određene pogreške, nečiji rad ili nerad, a ne da se pokuša otkloniti neki nedostatak ili nepravilnost koja je ukazana tim vijećničkim pitanjem.
- Pitanje koje sam postavio na prošloj sjednici, je pitanje koje sam postavio i postavljam u ime većeg broja građana u vezi problema sa kojima se građani susreću svakodnevno sa administracijom u Općini Gornji Vakuf-Uskoplje.
- Općinska administracija, odnosno državni službenici i namještenici nisu tu radi sebe, nego trebaju biti na usluzi građanima da što jednostavnije rješavaju probleme zbog kojih se obraćaju. Uz malo fleksibilnosti i ljubaznosti općinska administracija može da bude servis

građana u pravom smislu riječi.

Nova vijećnička pitanja:

Dedić Šeherzada - DF

1. Molim odgovore na nekoliko pitanja u vezi sa sportskom dvoranom.
2. Kada će biti u funkciji i pristupačna korisnicima ?
3. Zašto je dvorana otvorena da bi se zatvorila ?
4. Zašto dvorana nije spremna za korištenje i zašto ima niz nedostataka ?
5. Kakav je plan gazdovanja po pitanju korištenja i održivosti objekta ?

Naser Karamustafić – SDP

1. Ko je stručna osoba i koliko je kompetentna da odluči u ime građana Gornjeg Vakufa – Uskoplja i njihove djece o sječi stogodišnjih stabala u parku ?
2. Po kojem statutu, ko je osnivač, upravni odbor, kome se podnosi izvještaj i koliko je sredstava potrošeno u Regionalnom centru za upravljanje otpadom ?

Kadir Kičin - SDP BiH

1. Da li je upućen prijedlog Vladi SBK za asfaltiranje magistralnog puta Bistrička Rika, tj. na relaciji Gornji Vakuf-Uskoplje – Novi Travnik ?
2. Zašto se nisu izgradili sportsko-rekreativni tereni (stadioni) u MZ-a Grnici i Dražev Docu?
3. U kojem vremenskom periodu su planirani radovi na istim ; te kada će doći do realizacije projekta izgradnje i asfaltiranja trotoara na relaciji Dražev Dolac - Pajić Polje ?
4. Zašto su obustavljeni radovina na asfaltiranju u naselju Kućice , kada su planirani finalni radovi u gore navedenom naselju ?
5. Da li će Općina išta poduzeti sa divljim deponijama na lokalitetima Boljkovac i Voljevac (prema mjestu Zastinje) ?

Hrvatska lista

1. Kad će se početi rješavati problemi pasa lualica na području općine Gornji Vakuf-Uskoplje , s naglaskom na MZ Krupa – Batuša ?
2. Šta se radi na magistralnom putu R 439 na izlazu iz Gornjeg Vakufa – Uskoplja , preko puta groblja . Naime svakodnevno se stvaraju gužve na tom lokalitetu , stvara se blato na pješačkoj stazi. Uklapaju li se navedeni radovi u regulacioni plan ?
3. Šta se gradi iza Doma zdravlja i da li je to u skladu s važećom prostorno-planskom dokumentacijom odnosno regulacionim planom na tom području ?
4. Zašto se do sada ništa nije poduzelo na uklanjanju grafita na objektima Doma zdravlja , te što misli ravnatelj Doma zdravlja poduzeti po ovom pitanju ?

Usmeni odgovori na vijećnička pitanja:

Nije bilo usmenih odgovora na 5. sjednici Općinskog vijeća Gornji Vakuf-Uskoplje

Ad. 2.

Usvajanje Zapisnika sa 4.sjednice Općinskog vijeća

Diskusije:-

Zapisnik sa 4.sjednice Općinskog vijeća usvojen sa većinom glasova (19 «za», 3 „vijećnika se nisu izjasnila")

Ad. 3.

Izveštaj o radu Općinskog javnog pravobranilaštva Bugojno za 2016.godine

Abdalajbegović A.-ispred izvjestioca

- Dala je kratko objašnjenje Izvještaja o radu Općinskog javnog pravobranilaštva Bugojno za 2016.godine

Diskusije:-

Batinić G.-predsjednik OV-a

- Dajem na usvajanje Zaključak o Izvještaju o radu Općinskog javnog pravobranilaštva Bugojno za 2016.godine: *Prihvata se Izvještaj o radu Općinskog javnog pravobranilaštva Bugojno za razdoblje od 01.01. do 31.12.2016.godinu*

Zaključak o Izvještaju o radu Općinskog pravobranilaštva Bugojno za 2016.godine usvojen sa većinom glasova (19 «za» , 3 „vijećnika se nisu izjasnila“)

Ad. 4.

Informacija o radu Ispostave Zavoda za zapošljavanje Gornji Vakuf-Uskoplje za 2016.godinu

Filipović A.-VD šefa za zapošljavanje

- Dao je kratko obrazloženje Informacije o radu Ispostave Zavoda za zapošljavanje Gornji Vakuf-Uskoplje za 2016.godinu

Diskusije:

Kičin K.SDP

- Želim navesti par nelogičnosti u ovoj Informaciji o radu Ispostave Zavoda za zapošljavanje Gornji Vakuf-Uskoplje za 2016.godinu;
- Služba za zapošljavanje navodi dobru saradnju sa obrazovnim ustanovama radi usklađivanja obrazovnih programa sa kadrovskim potrebama. U pregledu pojedinih zanimanja imaju suficit gimnazijalaca, ekonomista, automehaničara, trgovaca i bravara. Ne vidim kakva je tu saradnja.
- U Informaciji se spominje donošenje programa mjera za brže zapošljavanje. Volio bih dočekati dan da se neko zaposli preko biroa za zapošljavanje, do sada se to nije desilo.
- Ne znam na šta se misli kada se u zaključku kaže da se želi zadržati postojeće stanje nezaposlenosti.

Manjgo R.-SDA

- Interesuje me koji je osnov, koji je zakon u pitanju da osoba koja se nalazi na evidenciji biroa nema pravo na zdravstveno osiguranje.

Gafić M.- SDA

- Na strani 3. stoji da po vašem saznanju u 2016. godini 105 ljudi radi na „crno“. Interesuje me kako Vi znate za te ljude i šta ste poduzeli po tom pitanju
- Na zadnjoj strani u zaključcima stoji da ćete zadržati pravo na zdravstvenu zaštitu ispod 40%, zašto ćete zadržati 40% ako može ići na 60%, ako je potrebno ljudima. Koji su to kriteriji da neko ko se nalazi na evidenciji biroa ostvari pravo na zdravstveno osiguranje preko biroa.

Puljarga S.-SBB

- Interesuje me da li može biti deficitarno zanimanje „vozač“ ako ih na evidenciji imamo 43. Po meni su deficitarna ona zanimanja kada poslodavac iskaže potrebu za istim a njih nema na evidenciji biroa.

Filipović A.-VD šefa za zapošljavanje

- Svake godine obilazimo završne razrede u Osnovnim i Srednjim školama i u razgovoru sa učenicima im sugerišemo šta bi trebali upisati a šta ne bi trebalo da upisuju. Objasnjavamo im koja su to suficitarna zanimanja a isto tako i koja su to deficitarna zanimanja.
- Uloga biroa za zapošljavanje je posredovanje pri zapošljavanju. Mi direktno ne utičemo na zapošljavanje. Biro može zapošljavati samo putem federalnog poticaja za zapošljavanje

- Što se tiče zaključka da se „održati“ broj nezaposlenih, nama je cilj da se ne poveća broj nezaposlenih, želimo bar zadržati postojeći nivo nezaposlenosti. 2016. godina je prva godina da imamo broj nezaposlenih ispod 3 hiljade.
- Svaka osoba koja dolazi na evidenciju biroa za zapošljavanje prvi put dobije Rješenje o pravu ili odbijanju na zdravstvenu zaštitu. U tom Rješenju stoji da li osoba ima ili nema pravo na zdravstvenu zaštitu.
- Broj osoba koje rade na „crno“ je paušalan broj. Mi ne možemo imati tačan broj ljudi koji rade na „crno“. Svaki mjesec dobijemo izvještaj inspeksijske službe o broju ljudi koji rade na „crno“, tj. onih koje su otkrili.

Manjgo R.-replika

- Pitao sam da li se zakon promijenio, da li se radi išta na tome na nivou Kantona po tom pitanju.

Krajina M.-zamjenik direktora kantonalnog zavoda za zapošljavanje

- Postoji Federalni zakon o posredovanju zapošljavanja i socijalnoj sigurnosti nezaposlenih osoba. On definiše ko ima pravo na novčanu naknadu i ko ima pravo na zdravstvenu zaštitu.
- Prošle sedmice je na Biro za zapošljavanje došao zahtjev za posredovanje u zapošljavanju od firme „TOM“ za 53 radnika koja se nalaze na evidenciji službe
- Biro za zapošljavanje nije ni poslodavac ni privrednik koji odmah vrši zapošljavanje, uloga službe je da posreduje između poslodavca i osoba koje su nezaposlene a nalaze se na evidenciji službe

Karamustafić N.-SDP

- Interesuje me ko će odlučivati pri zapošljavanju osoba raznih zanimanja, da li će to raditi poslodavac ili će to raditi biro za zapošljavanje.

Pidro M.-SDA

- Zašto se blokira prijava na konkurs koji je došao od strane Federalnog zavoda za zapošljavanje, stoji da je rok za prijavu 30 dana a osoba se nije mogla prijaviti iako je ostalo do isteka tog roka nekih 20 dana.

Krajina M.-odgovor

- Ovo je tačno što je rekao Pidro M., bila je on-lajn prijava, javni poziv je bio otvoren 08.05.2017. godine. Poziv je bio otvoren do utroška sredstava, to se radi preko softvera i on automatski ne dozvoljava prijave poslije utroška predviđenih sredstava. Ima dosta primjedbi od strane poslodavaca na ovakav način rada softvera, nažalost on će kao takav ostati do kraja ove godine.

Batinić G.-predsjednik OV-a

- Dajem na usvajanje sljedeći Zaključak o Informaciji o radu Ispostave Zavoda za zapošljavanje Gornji Vakuf-Uskoplje za 2016.godinu: *Prihvata se Informacija o radu Ispostave Zavoda za zapošljavanje Gornji Vakuf-Uskoplje za 2016.godinu*

Zaključak o Informaciji o radu Ispostave Zavoda za zapošljavanje Gornji Vakuf-Uskoplje za 2016. godinu usvojen sa većinom glasova (19 «za», 3 „vijećnika se nisu izjasnila“)

Ad. 5.

Izvještaj o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu

Blažević I.-direktor JKP „VIK“

- Dao je kratko obrazloženje Izvještaja o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu

Diskusije:

Gafić M.- ispred komisije za budžet i finansije i ekonomska pitanja

- Komisija za budžet i finansije je na svojoj sjednici održanoj 16.05.2017.godine razmatrala Izvještaj o finansijskom poslovanju JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu, komisija daje pozitivno mišljenje o finansijskom poslovanju JKP «VIK» d.o.o. Gornji Vakuf-Uskoplje za 2016.godinu, te predlaže Općinskom vijeću da ga usvoji

Pidro M.-SDA

- Mještani iz ulice „Batuški lug“ (Pokvić-Barišić), su uputili dopis 2014. godine na adresu JKP „VIK“ u vezi zatrovanja vode ali im se do danas nije odgovorilo. Također u svom dopisu navode da su se sami morali organizovati i uz pomoć Općinskog načelnika su sami kupili i postavili cijevi od 1 „cola“. Pitaju Vas, zašto JKP „VIK“ vrši priključke na vodovod ljudi koji imaju maline na taj dio vodovodne mreže, koju su oni sami kupili i postavili.

Kičin K.-SDP

- U biti i ja sam dobio tu molbu-apel iste grupe građana i kad je Pidro M. to iznio nema potrebe da ja to ponavljam
- Zašto se voda koju pijemo koristi za zalijevanje malina, odnosno poljoprivrednih kultura

Idrizović Dž.-SDA

- Mislim da je naplativost vode dobra
- Smatram da bi bazene na izvorštima trebalo ograditi na način kako to rade Telekom operateri, da to bude sigurno, lijepo i čisto
- Mislim da ne bi bilo loše imati pismeni zahtjev prilikom priključka novih korisnika na vodovodnu mrežu
- Smatram da bi sve vodovode koji su završeni na prostoru općine trebalo staviti u funkciju, pitam šta bi mi kao Općinsko vijeće trebali uraditi da se to što prije uradi
- Također bi nestašicu vode trebalo da osjete i podnesu svi građani naše općine ravnomjerno, do sada se dešavalo da pojedini dijelovi grada nemaju vode a drugi dijelovi je imaju i istu koriste za zalijevanje poljoprivrednih kultura

Ramić A.-SDA

- Mislim da se ovdje napravio određen pravni vakum po pitanju podnošenja Izvještaja o radu JKP «VIK»d.o.o. Gornji Vakuf-Uskoplje za 2016.godinu. Mišljenja sam da je trebalo pozvati starog direktora Mlakić M. da on podnese Izvještaj o radu za 2016 godinu iz razloga što je bio direktor JKP „VIK“. Možda bi dobro bilo da se komisija za Statut i propise očituje po ovom pitanju.

Herceg J.-ispred komisije za Statut i propise

- Izvještaj o radu JKP «VIK»d.o.o. Gornji Vakuf-Uskoplje za 2016.godinu može podnijeti bilo koja osoba koju ovlasti direktor

Čaušević S.-Općinski načelnik

- Želim da kažem da sam bio direktno uključen u slučaj koji je spomenuo Pidro M., moram da kažem da se ignorišu ljudi od strane JKP „VIK“ kad je u pitanju snabdijevanje vodom. Oni su ovaj problem iznijeli direktoru a direktor nije htio da čuje i da im pomogne da to riješe. Kada su zajedno sa općinskim načelnikom riješili taj problem, onda direktor uzima sebi za pravo da na taj dio vodovoda priključi ljude koji su imali maline i kojima je ta voda trebala za zalijevanje. Mislim da to JKP „VIK“ nije trebalo raditi, smatram da bi ga trebalo isključiti sa tog priključka jer ta voda treba da se koristi za piće, za maline treba koristiti tehničku vodu i treba ga priključiti na istu ako hoće.
- Pod svaku cijenu treba sve ove novoizgrađene vodovode na općini staviti na upravljanje JKP „VIK“

Herceg J.-HL

- Problem nestašice vode nam se dešava svake godine, ove godine su predviđanja da će biti izraženiji
- Mene zabrinjava cjevovod naše vodovodne mreže, mi dajemo vodu iz rezervoara na analizu. Smatram da nije isto kad se uzme voda za analizu sa zahvata odnosno rezervoara ili kada se uzme iz cijevi.

Karamustafić N.-SDP

- U više navrata sam govorio dok je direktor bio M.Mlakić da preduzeće koje prodaje vodu ne može vršiti analizu vode. Voda za analizu se treba uzeti sa tri – četiri mjesta i kvalitet i ocjenu koju dobijemo za vodu sa zadnjeg mjesta treba uzeti kao mjerodavnu

Blažević I.-direktor

- Upoznat sam sa slučajem mještana iz ulice Batuški lug (Pokvić-Barišić), koji je iznio Pidro M., prihvatam sugestiju i prijedlog Općinskog načelnika da se to rješi
- Imamo velike probleme sa malinarima. Ako Općinsko vijeće donese Odluku da se isključe svi malinari ja ću to uraditi, ali ćemo onda imati drugi efekat da će nam krasti vodu
- Možda bi kao najbolje rješenje bilo to da se uvedu „zonski vodomjeri“, da se mjeri dostava vode po zonama i da se nakon toga prilikom plaćanja utvrdi dali ima odstupanja od utrošene vode od one koja se je naplatila
- Slažem se sa prijedlogom Općinskog načelnika da nam se pomogne da se svi novoizgrađeni vodovodi stave na upravljanje JKP „VIK“
- Želja nam je da svi građani ravnomjerno imaju vodu na raspolaganju i da ne dolazi do nestašice vode

Batinić G.-predsjednik OV-a

- Dajem na usvajanje Zaključak o Izvještaju o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu: *Prihvata se Izvještaj o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu*

Zaključak o Izvještaju o radu JKP «VIK»d.o.o. Gornji Vakuf-Uskoplje za 2016.godinu i Plan rada za 2017.godinu usvojen sa većinom glasova (19 «za», 3 „vijećnika se nisu izjasnila")

Ad. 6.

Izvještaj o radu JKP «Radovina»d.o.o. Gornji Vakuf-Uskoplje za 2016.godinu i Plan rada za 2017.godinu

Šehić N.-direktor JKP „Radovina“

- Dao je kratko obrazloženje Izvještaja o radu JKP «Radovina»d.o.o. Gornji Vakuf-Uskoplje za 2016.godinu i Plan rada za 2017.godinu

Diskusije:

Gafić M.- ispred komisije za budžet i finansije i ekonomska pitanja

- Komisija za budžet i finansije je na svojoj sjednici održanoj 16.05.2017.godine razmatrala Izvještaj o finansijskom poslovanju JKP «Radovina» d.o.o. Gornji Vakuf-Uskoplje za 2016.godinu i Plan rada za 2017.godinu, komisija daje pozitivno mišljenje o finansijskom poslovanju JKP «Radovina» d.o.o. Gornji Vakuf-Uskoplje za 2016.godinu i Plan rada za 2017.godinu, te predlaže Općinskom vijeću da ga usvoji

Karamustafić N.-SDP

- Shvaćam Vaše probleme ali imate li Vi kakav konkretan plan šta uraditi. Da li da se vrši selekcija otpada ili nešto drugo.
- Osim povećanja cijena imate li neki drugi prijedlog da Vam se pomogne u odlaganju otpada
- Nije problem da se zakaže tematska sjednica općinskog vijeća ali za istu treba imati konkretan plan šta uraditi

Idrizović Dž.-SDA

- Smatram da se odvoz smeća vrši redovno i da je veliki prostor općine obuhvaćen odvozom, kako urbani dio tako i prigradski dijelovi općine
- Slažem se da bi se trebala zakazati neka tematska sjednica na kojoj bi trebalo da se riješe aktuelni problemi sa kojima se preduzeće susreće
- Interesuje me zašto nemamo obilježena i natkrivena mjesta za kontejnere po gradu

Krajina M.-HL

- Svima nam je poznato sa kojim se problemima susreću u JKP „Radovina“, kao i situacije u

kakvom je stanju aktuelna deponija,
problem

svjesni smo da moramo rješavati taj

- Svjesni smo situacije oko Regionalne deponije i nema izgleda da se u budućnosti otvori Regionalna deponija
- Mislim da je vrijeme da napravimo jednu tematsku sjednicu na temu; "Zbrinjavanje otpada na općini Gornji Vakuf-Uskoplje", nemamo više vremena za čekanje
- Interesuje me koliko JKP „Radovina“ ima stvarnih korisnika
- Smatram da je 55 000,00 KM previše za ugovore o djelu, znamo da se po zakonu ne mogu angažovati radnici iz osnovne djelatnosti firme
- Ako je potrebno treba povećati broj zaposlenih ali se mora voditi računa o nacionalnoj strukturi zaposlenih u JKP „Radovina“

Puljarga S.-SBB

- Moramo razmišljati u pravcu da sortiramo otpad, bar u ovom gradskom dijelu da se postave kontejneri za tu namjenu
- Podržavam prijedlog da se zakaže tematska sjednica na ovu temu i također bi podržao prijedlog direktora da svi obiđemo postojeću deponiju. Siguran sam da mnogi od nas ne znaju gdje je deponija i u kakvom je stanju

Herceg J.-HL

- Briga oko ova dva naša komunalna preduzeća nam je stalna obaveza, trebamo se boriti da što bolje funkcionišu
- Svjesni smo problema koji nam predstavlja aktuelna deponija, ali isto tako trebamo razmišljati i o čistoći naših ulica i grada u cjelini
- Moramo naći načina da naše ulice budu oprane, moramo iznaći sredstva da se bar jedanput mjesečno peru ulice

Čaušević S.-Općinski načelnik

- Trebamo vidjeti cijene odvoza smeća i u drugim gradovima, dali je cijena od 4,00 i 6,00 KM realna cijena.
- Sigurno da sa onim brojem radnika sa kojima raspolazete ne možete vršiti sakupljanje i deponovanje smeća
- Svake godine kupimo po dva duluma zemljišta za postojeću deponiju, svi ste svjesni u kakvom je ona stanju
- Prikupljanje i deponovanje otpada je problem koji se ne tiče samo naše općine, to je problem i Kantona i Federacije, mora se nešto napraviti
- Svaka ti čast za sve ono što uradiš sa ovim brojem ljudi da to sve stigneš. Za sve konstruktivne prijedloge imat ćeš podršku od mene isto što sam rekao i direktoru JKP „VIK“
- Nije nikakav problem da se sjedne i da se izbalansira broj zaposlenih po nacionalnoj strukturi u svakoj Javnoj ustanovi i svakom Javnom preduzeću

Karamustafić N.-SDP

- Mogu shvatiti Bošnjaci i Hrvati, ali šta je sa ostalima, šta je sa građanima. Nemojmo više da polemishemo, hajde da napravimo nešto za ovu čaršiju da bi mogli djeci pogledati u oči i kazati ovo smo mi uradili dok smo bili u Općinskom vijeću.

Pidro M.-SDA

- Smatram da bi trebali otići na postojeću deponiju i vidjeti u kakvom je stanju. Mještanima Krupe i Bistrice je preko glave ove deponije. Bojim se da će nam ljudi oboliti i da ćemo imati zarazne bolesti.
- Slažem se sa prethodnim diskutantima da treba zakazati tematsku sjednicu i na istoj donijeti neki zaključak

Manjgo R.-SDA

- Ovaj problem je problem svih vijećnika i trebamo iznaći rješenje za deponiju otpada
- Moramo uz pomoć stručnih ljudi napraviti najkvalitetnije rješenje jer je krajnje vrijeme da se to uradi
- Divim se direktoru jer on pozitivno posluje, bori se, ova situacija oko deponije ide na dušu nas vijećnika iz ranijeg saziva, moramo svi zajedno da se uključimo i da riješimo ovaj problem

Šehić N.-odgovori

- Naravno da mi imamo konkretnih prijedloga šta bi trebalo uraditi da se stanje popravi u vezi odlaganja otpada
- Smatramo da bi trebalo napraviti „sortirnicu“ za razdvajanje otpada, prije dvije godine sam tražio da nabavimo neku mini „sortirnicu“ koja bi koštala nekih 600 000,00 KM
- Postojeća deponija će se morati izmjestiti, ona je trebala biti sanirana do 2018 godine.
- Možemo još nekih šest mjeseci deponovati otpad a šta onda. Postoji opasnost da ona u svakom momentu da eksplodira, mora se pod hitno rješavati ovaj problem
- Mjesta za kontejnere su određena samo što nisu još obilježena, to će se uraditi u narednom periodu
- Dobili smo kontejnere sa kojima bi mogli napraviti pet „eko ostrva“, treba odrediti gdje bi se to moglo postaviti.
- Broj korisnika prelazi 4 200 a ova brojka u vezi naplate mislim da je tačna

Batinić G.-predsjednik OV-a

- Predlažem pauzu od deset minuta i pozivam predsjednike klubova na konsultacije

(Pauza od 12²⁵ 13⁴⁰)

Batinić G.-predsjednik OV-a

- Dajem na usvajanje Zaključak o Izvještaju o radu JKP «Radovina» d.o.o. Gornji Vakuf-Uskoplje za 2016.godinu i Plan rada za 2017.godinu: *Prihvata se Izvještaj o radu JKP «Radovina» d.o.o. Gornji Vakuf-Uskoplje za 2016.godinu i Plan poslovanja za 2017.godinu*

Zaključak o Izvještaju o radu JKP «Radovina»d.o.o. Gornji Vakuf-Uskoplje za 2016.godinu i Plan rada za 2017.godinu usvojen sa većinom glasova (19 «za», 2 „vijećnika se nisu izjasnila”)

Ad. 7.

Izvještaj o izvršenju budžeta općine Gornji Vakuf-Uskoplje za period od 01.01. do 31.12.2016.godine

Milić N.-ispred izvjestioca

- Dao je kratko obrazloženje Izvještaja o izvršenju budžeta općine Gornji Vakuf-Uskoplje za period od 01.01. do 31.03.2017.godine

Diskusije:

Gafić M.- ispred komisije za budžet i finansije i ekonomska pitanja

- Komisija za budžet i finansije i ekonomska pitanja je na svojoj sjednici održanoj 16.05.2017.godine razmatrala Izvještaj o izvršenju budžeta općine Gornji Vakuf-Uskoplje za period od 01.01. do 31.03.2017.godine, komisija daje pozitivno mišljenje na Izvještaj o izvršenju budžeta općine Gornji Vakuf-Uskoplje za period od 01.01. do 31.03.2017.godine, te predlaže Općinskom vijeću da ga usvoji

Batinić G.-predsjednik OV-a

- Dajem na usvajanje Zaključak o Izvještaju o izvršenju Budžeta Općine Gornji Vakuf-Uskoplje za razdoblje od 01.01.do 31.03.2017.godine Općinskog načelnika Općine Gornji Vakuf-Uskoplje: *Prihvata se Izvještaj o izvršenju Budžeta Općine Gornji Vakuf-Uskoplje za razdoblje od 01.01.do 31.03.2017.godine*

Zaključak o Izvještaju o izvršenju budžeta Općine Gornji Vakuf-Uskoplje za razdoblje od 01.01. do

Ad. 8.

Prijedlog Plana korištenja javnih površina na području Općine Gornji Vakuf-Uskoplje – hitni postupak

Fale H.-ispred predlagača

- Dao je kratko obrazloženje Prijedloga Plana korištenja javnih površina na području Općine Gornji Vakuf-Uskoplje – hitni postupak

Diskusije:

Petrović H.-ispred komisije za prostorno planiranje, uređenje i ekologiju

- Komisija za Prostorno planiranje, uređenje i ekologiju je na svojoj prvoj sjednici održanoj 17.05. 2017. godine razmatrala prijedlog Plana korištenja javnih površina na području Općine Gornji Vakuf-Uskoplje, komisija daje pozitivno mišljenje na prijedlog Plan korištenja javnih površina na području Općine Gornji Vakuf-Uskoplje uz preporuku predlagaču da ugradi u Plan odredbu kojom bi trebalo da prostor koji ostaje za pješake, odnosno da udaljenost ograde ljetne bašte od ruba saobraćajnice ne može biti manja od 1,2 metra, te predlaže Općinskom vijeću da ga usvoji.

Herceg J.-ispred komisije za Statut i propise

- Komisija za Statut i propise je na svojoj sjednici održanoj 17.05.2017. godine, razmatrala je Prijedlog Plana korištenja javnih površina na području Općine Gornji Vakuf-Uskoplje – hitni postupak, ima sljedeće primjedbe na ovaj Plan;
- Plan je trebao biti donesen u prvom mjesecu ove godine, na prvoj sjednici Općinskog vijeća
- Forma ovog akta nije pravno dobro složena. Preambula nije dobro sročena; stoji... *Općinski načelnik ...*, a treba da stoji; ...*Općinsko vijeće na prijedlog na svojoj sjednici, a treba stajati i broj protokola i datum kada se to donosi.*
- Članovi komisije ne trebaju stajati poimenično u ovom prijedlogu Plana
- Trebalo je za svaku ulicu donijeti Plan u vezi slobodnih javnih površina, to treba biti decidno nacrtano ne smije biti šturo
- Na kraju ovog Plana stoji da je potpisnik Općinski načelnik, to nije tako, treba da stoji Predsjednik Općinskog vijeća

Elez B.-HL

- Smatram da je ovaj Plan pun manjkavosti, nisu razgraničene i nisu označene sve javne površine
- S obzirom da mi nemamo Odluku o naplati parkirališta i parkirnih mjesta (parkirališta potpadaju pod javnu površinu), ovim Planom o korištenju javnih površina moglo bi se desiti da se neko parkirno mjesto dodijeliti nekome da postavi terasu, jer nije regulisano odlukom o parkiralištima
- S provođenjem ove odluke imat ćemo u nekim ulicama u jednom smjeru u potpunosti uzurpirane trotoare i oduzete pješacima

Idrizović Dž.-SDA

- Evidentno je da je Odluka puna nedostataka, neke stvari su šturo napisane i do kraja ne definisane
- Smatram da je uz ovaj Plan trebalo da ide i neka Odluka sa zonama na koji način će se to koristiti, sa cijenama i ostalim podacima
- Mislina da je ovaj Plan trebalo da bude puno ozbiljniji, sa detaljnim obrazloženjem na koji način će se koristiti neka javna površina, kriterijima i uslovima kako je koristiti

Fale H.-ispred predlagača

- Moram da kažem da ovo nije nikakva Odluka, ovo je samo Plan korištenja javnih površina
- Zakon je propisao šta je javna površina, kako se koristi , zbog čega se koristi i u koje

namjene se koristi

- Ovim planom se definiše samo ono šta ćemo mi izdavati pod određenim uslovima
- Smatram da je ovdje najvažnija grafika iz koje se može vidjeti šta se može koristiti

Idrizović Dž.-replika

- Trotoari trebaju da služe za pješake a ne za terase, zna se šta je namjena trotoara, tako isto trotoar ispred crkve treba da koriste pješaci a ne ugostitelji
- Moje mišljenje je da i Plan treba da bude detaljan sa detaljnim obrazloženjem

Herceg J.-ispred komisije za Statut i propise

- Komisija je donijela svoj stav na način da član 7., stav 2. Kantonalnog zakona kaže;...*na prijedlog Općinskog načelnika prihvata Općinsko vijeće*
- Osim toga stoji da je Plan dokument koji se izlaže na stalni javni uvid u općinskoj službi za urbanizam, a kojim se određuju stručno-tehnički uslovi određeni propisom iz stava 1., člana 29. ovog zakona

Dedić Š.-DF

- Moja ulica nema trotoara, nema ni zelene površine a u toj ulici se iznose stolovi i stolice iz kafića i tu se postavljaju, kao i vozila koja se tu parkiraju, kao i dostavna vozila „Konzuma“ i mi onda bukvalno nemamo kuda da prođemo do svojih kuća
- Isto tako ima dosta drugih ulica kje su natkrivene i pokrivene, koriste se kao terase u ljetnoj sezoni, interesuje me ko to dozvoljava i ko to izdaje

Karamustafić N.-SDP

- Mislim da je ovdje problem ne s provođenja zakona, ne s provođenja određenih odluka
- Nisam ja slučajno predlagao zabranu saobraćaja u Gradskoj ulici u vrijeme ljetnog perioda
- Mi smo dozvolili počev od „Konzuma“ pa gore više „Prijića“ da se uzurpiraju trotoari sa obe strane, ko će biti odgovoran ako se nekome nešto desi

Batinić G.-predsjednik OV-a

- Predlažem pauzu od deset minuta i pozivam predsjednike klubova na konsultacije

(*Pauza od 13¹⁵- 13²⁷*)

Čaušević S.-Općinski načelnik

- Shodno diskusijama koje smo danas imali, želim da kažem da ovaj dokument nije „betoniran proces“ ovo se može mijenjati, može se dopunjavati
- Svima Vam je poznato da se ide u rekonstrukciju „Gradske“ i svih sporednih ulica, sa lijeve i desne strane ulica
- Predložio bih da ovaj Plan ostane ovakav kakav jest bez nekih suštinskih izmjena, da bi ga građani mogli koristiti na način da se ne dozvoli uzurpacija parkirnih saobraćajnica. Služba koja će izdavati odobrenja treba da se drži zakonskih propisa, ne treba se dozvoliti bilo kakva uzurpacija javnih površina
- Prihvatam da ovdje ima formalno-pravnih propusta, prihvaćamo sugestije koje je dala komisija za Statut i propise i u tom domenu mi ćemo donijeti detaljniji Plan korištenja javnih površina

Prijedlog Plana korištenja javnih površina na području Općine Gornji Vakuf-Uskoplje usvojen sa većinom glasova (18 „za“ , 3 „vijećnika se nisu izjasnila“)

Ad. 9.

Akti imovinsko pravne službe;

a) Prijedlog Odluke o prodaji nekretnina označenih kao k.č. 1493/23 i k.č. 1493/24 k.o. SP_Gornji Vakuf

Sofić O.-ispred predlagača

- Dao je kratko obrazloženje prijedloga Odluke o prodaji nekretnina označenih kao k.č.

Diskusije:-

Prijedlog Odluke o prodaji nekretnina označenih kao k.č. 1493/23 i k.č. 1493/24 k.o. SP_Gornji Vakuf usvojen sa većinom glasova (18 „za“ , 3 „vijećnika se nisu izjasnila“)

b) Prijedlog Odluke o utvrđivanju javnog interesa za potpunu eksproprijaciju dijela nekretnina označenih kao k.č. 1792/1, k.č. 1792/2 k.o. SP_Gornji Vakuf.

Sofić O.-ispred predlagača

- Dao je kratko obrazloženje prijedloga Odluke o utvrđivanju javnog interesa za potpunu eksproprijaciju dijela nekretnina označenih kao k.č. 1792/1, k.č. 1792/2 k.o. SP_Gornji Vakuf.
- U članu 2. stoji;...*izgradnja separatora i prečistaća otpadnih voda...*a treba;... *izgradnja separatora i prečistaća za oborinske vode...*

Diskusije:

Herceg J.-komisija za Statut i propise

- U preambuli; iza člana 25/12.... treba dodati i...*34/14*

Prijedlog Odluke o utvrđivanju javnog interesa za potpunu eksproprijaciju dijela nekretnina označenih kao k.č. 1792/1, k.č. 1792/2 k.o. SP_Gornji Vakuf uz gore navedenu dopunu usvojen sa većinom glasova (18 „za“ , 3 „vijećnika se nisu izjasnila“)

Sjednica završena u 13⁴⁰ sati.

ZAPISNIČAR

Redžić Hidajet

PREDSJEDNIK
OPĆINSKOG VIJEĆA

Batinić Goran, mag.nov.